

## ARRASATEN

**B**ihar arte zain. Baina ez halabeharrez. Bihar arte ez da San Juan bezpera izango eta ez dira jaietako ekitaldi nagusiak hasiko. Gaur ere bada, halere, zer dastatu Arrasate aldean. Mikel Laboa kantaria urreratuko da Amaia antzokiko zokoak bere gitarraz betetzera.

## Mikel Laboa Amaia antzokian


AMAIA ZEBERIO / ARRASATE

Azkenean arrasatearrek izango dute Mikel Laboa kantariaren ekitaldi bat entzuteko aukera. Nahiz eta batzutan jendeak nahi batzuk izan, ez du beti asetzeko aukerarik izaten. Hori gertatu zitzaion iaz Arrasateko herriari. San Juan jaiak antolatzen dituzten herritarrek, ahalegin guztiak egin zituzten Mikel Laboa beren artean izan zezaten joan zen urteko Sanjoanetan. Badirudi, hasiera batean esperantzaren bat bazutela kantari famatu honen kantaldia entzuteko, baina esperantza hauek, azkenean bertan behera gelditu ziren.

Dena dela, urte guztiak ez eta zortea ere ez dira beti berdinak izaten, eta aurten arrasatearrek zortea berekin dutela nabaria da. Bai bertako herritarrek zein jarraitzaile sutsuek, ekitaldi berezi eta handi hau, ikusi eta gozatzeko aukera ezin hobea izango dute. Saio berezi hau, gaur gaueko 10.30etan Amaia Antzokian eskainiko du Mikel Laboak.

Musika saio honez gain, badira hainbat txaranga talde, bai egunez nahiz gauez, kaleak alaitzen ibiliko direnak. Musika banda hauen zeregina, tabernaz taberna eta kalez kale ibiltzea izango da, animatu gabe edo erdi animatuta dagoen jendea, dantzari jarri erazteko. Gaur gaueko hamaitan 'Gaurko Berri' taldeak dantzaldia eskainiko du herriko plazan. Bihar berriz, goiz guztian, Elgoibarko banda eta Iruñeko Gaite-roak izango dira kaleak alaitzen, gauean aldiz, San Juan sua laguntzeko asmoz, Lore Gazteak taldearen doinua entzuteko aukera izango da.

Trikitixak ere bere lekua izango du Arrasateko jai hauetan: alde batetik, Imuntzo eta Beloki bikotea izango da San Juan egunean, hurrengo egunean bestetik, Maixa eta Itziar trikitilari gazteak izango dira soinu alaiak zabaltzen. Koadrilen egunean, eguerdi partean, koadrilen kontzentrazioa egingo da eta honek laguntzaile modura txalapartaren doinu aparta izango du.



Mikel Laboa.

CARLOS VILLAGRAN

**Imuntzo eta Beloki** joko dute astelehenean Seber Altube plazan eta hurrengo egunean Maixa eta Itziar trikitilariak leku berean •

## Zezenen aurrean korrika hasi aurretik hobe Maritxu Kajoiri eskaintza egitea

A.Z. / ARRASATE

Arrasaten zezenen aurrean ibiltzeko ohitura ez da hain zaharra; orain dela zortzi bat urtetik hona egiten da korrikaldi berezi hau. Sei edo zazpi zezen askatzen dituzte jende artean ibiltzeko eta parean norbait harrapatuz gero, iztarrean adarren bat edo zergatik ez biak, sartuko dizkio.

Aurten goizeko

bederatzietan egingo dira, astelehen, astearte eta asteazkenean. Zezenak, Orozko herritik ekartzen dituzte jendearen atseginerako. Zezenplazara iritsi aurretik, urtero kale berdinak zeharkatzen dira: Ferrerías kalean hasten dira, hemendik Herriko kalera pasatuz, azkenik Iturbide kaletik igaroten dira; kale hauetan makina bat adarjotze jasan behar izango dute zezen gizarajo hauek; halere, zezen plazara iristean izaten da onena. Beldurtiak direnek edo zezenekin konfidantza handirik ez dutenek, nahiago izaten dute zezenplazako eserlekuetan eserita ikusten gelditzea.

Entzierroan gazte dextek hartzen du parte, baina gehiago izaten dira, hesiaren bestaldetik, kalean zehar arriskuan korrika doazenak animatzen. Honekin batera, entzierroan parte hartzen dutenek, Maritxu Kajoiri babesa izaten dute. Entzierroan atera aurretik, herriko koadrilek, lore sorta bat eskaintzen diote



Umeak ere gozo ibiltzen dira zekor artean.

Maritxu Kajoiri. Eskaintza hau egiteko ohitura, orain dela lau urte hartu zuten arrasatearrek, gero korrika doazenean, haren babesa izan dezaten.

Herriko parrokiako ate gainean Ama Birjinaren irudi bat dago, kaxa moduko batean sartuta, eta hortik dator kio, Maritxu Kajoi izena.

## GAINERAKO

Amaia antzokian

Mikel Laboa

22:30

## HASTEKO

Zaldibar frontoian

Skate  
eta  
haur jolasak

16:00

Zubizarreta

GALERIA 44

ARRASATE  
ZORIONAK eta ONDO PASA!LIBURU ETA PAPERDENDA  
BIDAIRAKO ETA NARRUZKO  
ARTIKULUAK  
Iturriotz, 4 Tel.: 791484 ARRASATE

ITURRIOTZ

TABERNA

Ondo pasa jaiak  
arrasatearrakIturriotz kalea, 7 Tfnoa.: 791604  
ARRASATE"EDERTU"  
ileapaindegia

San Andres auzoa 79 04 28

\*7SP72U\*

TABERNA  
Olarke kalea, 45  
ARRASATEAED Elkarteak euskara zorientzua  
opa dizue arrasatear guztioi!KAJOI  
TABERNA-CAFETerrazaren berehalako  
inagurazioaONDO  
PASA!!Endiko kalea, 22  
Tfnoa.: 793227 ARRASATEJai zorientzuek!!  
ARRASATE